

宋集珍本叢刊

第三冊

任繼愈署簽



綫裝書局

四川大學古籍整理研究所 編

儒藏系列

宋集珍本叢刊

第三冊

任繼愈署簽



綏裝書局

中國·北京二〇〇四年

第三冊目錄

范文正公文集(續)	范仲淹		一
孫明復先生小集	清鈔徐坊校跋本	孫復	一五三
武溪集	明成化九年刻本	余靖	一七五
河南先生文集	明鈔本	尹洙	三三五
宛陵先生文集	明正統四年刻本	梅堯臣	五〇七

范文正公文集卷第八

楊文公寫真讚

頌

皇儲資聖頌

泰州張戾祠堂頌

述

南京府學生朱從道名述

序

太清宮九詠序

范文正公文集

卷八

一

宋集珍
本叢刊

朝賢送定惠大師詩序

太子賓客謝公夢讀史詩序

刻唐祖先生墓誌於賀監祠堂序

述夢詩序

尹師魯河南集序

記

桐廬郡嚴先生祠堂記

南京書院題名記

清白堂記

岳陽樓記

邠州建學記

天竺山日觀大師塔記

讚

楊文公寫真讚

楊公以武夷之靈降于我宋在太宗朝以神童被召三命至著作佐郎直集賢院在真宗朝荐當清近終翰林學士工部侍郎公以斯文爲己任繇是東封西祀之儀修史修書之局皆歸大

范文正公文集

卷八

二

宋集珍
本叢刊

手爲皇家之盛典當時臺閣英游蓋多出於師門矣而命世之才其位不充故天下知公之文而未知其道也昔王文正公居宰府僅二十年未嘗見愛惡之迹天下謂之大雅寇萊公當國真宗有澶淵之幸而能左右天子如山不動却戎狄保宗社天下謂之大忠樞密扶風馬公慷慨立朝有犯無隱天下謂之至直此三君子者一代之偉人也公與三君子深相交許情如金石則公之道其正可知矣然端言方行回邪忌

之故嘗避權臣之禍歸陽翟山再起會真宗不
豫中外爲憂萊公將奮大計正前星於北辰引
太陽於少海公預宏議就高文聞弗克行既終
而今上知之乃下詔追悼贈禮部尚書謚曰文
今觀公之真而爲讚云

嗚呼楊公兩朝清風盛乎斯文直哉厥躬端者
我游邪者我仇霖雨不作日月其流仰止遺真
雍雍哲人吾不知乎爲之仙爲之神

頌

范文正公文集

卷八

三

宋集珍
本叢刊

皇儲資聖頌并序

臣聞聖人之作易也以言乎離則大人有繼明
之體以言乎震則元子有主器之威何則體以
繼明而萬邦久照威以主器而七廟大寧其況
登監撫之期資聖神之政者哉國家興皇統紹
僊源寶葉茂昌靈根善固皇祖之功也神武不
殺天開八際皇宗之德也文明以健景臨萬有
聖上妙體乾元光御人極應上真之道撫大寶
之運華親肅睦美俗昭明尚周文之文而百官

懋德下漢武之武而四夷懷恩於是覽神洛以
朝先因心之至也啓帝符以升中動天之著也
如報厚德於汾壤款大道於亳宮表開聖之都
揭降清之館鴻名盛則皇哉休哉曠代不舉者
吾皇富有焉然猶清淨戒豫恭默思高觀妙自
然播芳無外璿樞麗正物有戴天之安全鑑凝
明人咸抱日之景若夫道德之奧仁義之醇禮
樂之和刑政之清無得名矣又盡善矣功成功
矣事無事矣聖子神孫其法象之矣居一日羨

范文正公文集

卷八

四

宋集珍
本叢刊

三公登東塗皇帝若曰眷惟元子萬邦重器道
心之微必究王業之難必知性習惟其初左右
惟其賢爾周爾召往師傅焉講善體政欲有觀
焉三公相與而進曰惟皇之嗣惟天之授生而
神靈幼而岐嶷而復累藩邸踐儲副奉見清廟
載禧圓丘固當輔聖克家佐天理物也矣皇太
子乃夕惕欽命未明而興儼觀東朝齋立西面
與夫股肱優老羽翼令人講帝皇之風參天人
之理遐燭安危之轍眇窮得失之源曷嘗不力

仁而民懷作德而祥降於是消息乎九範經營
乎五典與治與亂警策而弗迷惟時惟幾佩服
而深諭此道心之微也蓋究祥於妙慮其於中
外之務光大之政則賢必尚爵功必厚祿謀一
令思以敷天下之祐議一賞思以起天下之善
舉一刑則必悵然有不忍之心暴何端而興矣
接一士則必慊然有好直之心佞何階而進矣
天下欲以富利而弗奪也欲以壽養而弗傷也
欲以固信而弗欺也欲以安靜而弗擾也期于

無盜責之於衣食期于無刑求之於禮義禮義
既充熟而成風然後天下熙熙而遂樂也無窮
然則上世聖賢未嘗不勉而後至慎而後寧故
書曰勗哉庶其至矣詩云戒之慎之保其寧矣
此王業之難也豈徒知之固以輔而行之矣若
性習左右可得而言聰哲自天誠明見志其始
也后稷玩於播殖仲尼戲於俎豆爰發五勝之
辨寔宣三正之方今乃琴誦成文典書在御入
則有保出則有師太傅居前少傅居後而能幹

盡天家代工王室美四方之事資萬機之聖識
者曰正斯嗣也明斯德也由斯道也天意人事
章章乎豈符讖而後著也惟聖源深長天道輔
相歟非天私我有宋惟天祐于一德昔陶唐氏
之與舜也歷試諸難三十載而堯德益明天下
益治今斯時也然奚若吾君之嗣之美矣君子
有言曰巍巍乎皇之有成功也哉郁郁乎嗣之
有成德也哉樂聖者係之頌云

粵自黃靈爰及炎宋巍巍天造縣縣帝統神武

之祖文明之宗元基不拔盛業來重我后御極
吾民敏德盛節交舉庶彙咸殖萬邦作孚百神
受職允也時雍何哉帝力王假有家廼建承華
三善靡忒二對何嘉日光月輪山輝海潤相見
乎離蓋取諸震帝均其勤撫國監軍天受英晤
日彰溫文乃左乃右惟仁惟舊稼穡斯憂艱難
斯究授人惟才進人惟德刑也以薄恩也以直
屈者其伸勞者其逸言思逆耳道務前膝玉振
金相英聲茂實縣若壽域熙如春臺守之而已

仁遠乎哉天業昌兮天家光兮聖有嗣兮明無疆兮皇心之寧兮黔首之康兮祖宗之靈兮子孫之長兮金石在廟兮頌聲洋洋兮

泰州張侯祠堂頌

生祠民報德也制置公本汝潁之奇以文武事朝廷爲勲臣於四方而嘗戰守秦塞制勝非一招降屬寇全活甚衆撫南夷以久遠俗使北疆以尋大信光華之命所嚮凝績天禧中國家以鹽鐵饋運之計重於東南命公領之于茲八年

范文正公文集

卷八

七

宋集珍本叢刊

公夙夜不懈闕政咸舉初淮浙之間鹽民告困海利云剥公請振崇泰楚三郡亭入歲增課數十萬石三郡鹽課虧者十年公訪其利害請加買直蠲積負行數事以蘇之課乃大增興杭秀海三郡鹽場歲入課四十萬石又嘗蘇秀間太湖漲溢害于甫田公請導入于海復租六十萬石白沙郡大江之北有灣數里風濤爲險舟楫不利公於是開長蘆西河以濟之又高郵之北漕河屢決阻我糧道破我農畝公於是作堤二百里旁置石限平其增損以均灌漕焉

惟茲海陵古有潮堰舊功弗葺驚波荐至鹽其稼穡偃其桑梓此邦之人極乎其否公堅請修復乃興厥功橫議囂然僅使中廢公又與轉運使胡公再列其狀朝廷可之仍許兼領是郡以觀厥成起基於天聖三載之秋畢工於六載之春旣而捍其大災蠲其積負晷月之內民有復諸業射諸田者共一千六百戶將歸其租者又三千餘戶海陵民因潮之患而倚闕其租者三撫之育之以簡以愛優優其政治堰成日定奪今漸復焉

范文正公文集

卷八

八

宋集珍本叢刊

于民心於是請肖公之儀以奉于祠期子孫之不忘乎秉筆者故作頌焉
我公雄傑經制楚越鑒洞毛髮誠揭日月建利除孽代天工發海陵嗷嗷古防弗牢萬頃良賁歲凶於濤民焉呼號不粒而逃公聞惜怛適按廼察草奏屢達狂議四過心過金鐵對天不奪宸聽旣聰宰謀旣同展矣胡公協力諧忠兵民交充興防之功盤盤偃偃百里而遠雲矗不散山亘不斷如天作限奠萬家產朝以公賢兼于

蕃宣傷者我全疾者我痊通亡幾千咸復于田
公義不棄欲報彌廣建牙列壤將有攸往衆圖
其象以永瞻仰列星之精列嶽之靈儀焉亭亭
神焉熒熒居千百齡此邦鎮寧旣寧旣聚濤莫
我苦比比牖戶鱗鱗場圃而翁而豎于歌于舞
天子穆清諸侯經營民兮樂成穀兮登盈作爲
頌聲告于神明

述

南京府學生朱從道名述

范文正公文集

卷八

九

宋集珍
本叢刊

天聖紀號之六載樞密留守侍郎齊郡公以東
朝舊德右弼上賢將啓秉鈞之猷尚圖分政之
任善下成乎江海養浩充乎天地誠明之際無
隱不及居一日曰祖宗之都儀形萬邦道德之
所興禮樂之所出風化不作四方何仰哉乃首
訪膠庠躬省弦誦敷六籍以恢本發四科以彰
善於是人樂名教復鄒魯之盛士爲聲詩登周
召之美旣而丘園初秀閎闕令嗣拳拳允集濟
濟如歸沛國朱生世嚴冠冕幼苦霜露憫先構

之將墜忽中陵之見育公特命就學果知向方
豹以革而有文鴻亦漸而無咎公又嘉其遷善
以從道而名焉仍命字之云在復之六四曰中
行獨復以從道也言能體中而行特從於道以
斯而復君子之象請字曰復之庶左右於名矣
然則道者何率性之謂也從者何由道之謂也
臣則由乎忠子則由乎孝行已由乎禮制事由
乎義保民由乎信待物由乎仁此道之端也子
將從之乎然後可以言國可以言家可以言民
可以言物豈不大哉若乃誠而明之中而和之
揖讓乎聖賢蟠極乎天地此道之致也必大成
於心而後可言焉朱生其拜公之命勉之哉抑
文與學者道之器也以君子乘之則積而不敗
不以君子乘之則滿而致覆朱生其拜公之命
慎之哉嘻子未預於教也弗學而志窮如玉之
未攻如泉之在蒙泊焉而弗見其實昧焉而莫
朝于宗子旣預於教也克學而神晤如金之在
鑄如驥之方御躍焉可成乎美器騰焉可致乎

范文正公文集

卷八

十

宋集珍
本叢刊

夷路者也某觀士人中有青衿詩書素髮賦畝
名不登搢紳之議目弗接軒冕之姿彼何不遇
之甚哉朱生進德有漸屬文未幾始登庠序之
列廼被巖廊之知此何遇之甚哉繫爾門之濟
美歟抑我公之善教歟論者曰公之旨也豈徒
正爾之名蓋將成爾之德激清學校騰休都邑
俾夫多士聳善庶邦成流格美俗於詩書被頌
聲於金石致我宋之文炳焉復三代之英抑公
之盛德乎朱生振迹於盛德之下發名於善教

范文正公文集

卷八

十一

宋集珍
本叢刊

序

太清宮九詠序

譙有老子廟唐爲太清宮地靈物奇觀者駭異
歷代嚴護景槩所存若靈溪渦河九龍井左紐
再生昇天檜皆附于圖籍發乎詠歌而風人之
才難其破的余友曼卿將命斯來實董宮事嗜
道之外樂乎聲詩覽靈仙之區異其八物益以

官題而成九詠觀其立意皆鑿幽索秘破堅發
奇高凌虹蜺清出金石有以見詩力之雄哉文
以氣爲主此其辨乎矧夫人託文而志深物乘
文而名遠如楊子雲之綿竹王文考之靈光孫
興公之天台皆揮藻一時騰照千載者矣噫彼
物也庇聖賢之居而能長久後果動君子之風
雅以發乎名矧人也庇聖賢之道則能高明果
亦動天下之頌聲以揚其烈覽之者得無起歟
高平范某序

范文正公文集

卷八

十二

宋集珍
本叢刊

朝賢送定惠大師詩序

某典姑蘇郡一日有吳僧定惠大師宗秀者發
龍山渡松江駐錫于門出致政侍郎安定公本
道計使太原公二書偕曰師往無他有朝中送
行詩請爲序引以示方來爾某旣不得謝乃叩
其端師自言生不血茹七歲持佛事隱于雲巖
多歷年所晚歲游名公之門然亦未嘗及利天
聖中犬丞相東平公清河公憐其舊奏賜紫方
袍號定惠乃告歸故山又以詩寵之旣而薦紳

先生咸有贈章將勒堅珉期於不墜某感其說志其事且知上人之隱盛於吾儒之隱遠矣士有氣吞芝蘭才奔風雲精貫乎天人神馳於古今燭治亂興亡之機席法度教化之倫道通巖廊跡墜林壑遺沒於麋鹿之羣者衆矣如近代之陸龜蒙陳陶今朝雍丘邢敦錢唐林逋或執節堅介或放詞雅遠皆四方之聞人奈何道未信於三公名不熟於天子及其收遺文旌隱志而始惜其難得斯天下義士爲之長太息矣豈

范文正公文集

卷八

十三

宋集珍
本叢刊

如金僊之流而人懷慕謝絕堂構長揖軒冕來則談空實相號天人師去則指霞嶺嘯風林天子有賜三公有贈斯以見上人之隱盛於吾人之隱遠矣必也均是光輝以及考槃之際則聖朝無負於隱君子也矧將有取焉子夏曰主文而誦諫蓋風人之職也序詩者敢有二事時景祐二年五月八日尚書外郎充天章閣待制范某序

太子賓客謝公夢讀史詩序

公清淨而文出入朝廷三十年語默仁義進止於青雲之衢徐徐如也自尚書郎領侍御史知雜事日轉戰于寵辱之場者或勝而夸或殆而悲乃嘆曰吾病矣不敢進寸而退尺求爲會稽郡及還又請知西臺因分務於洛下朝廷高其意累遷至東宮三品悉屏去外慮於筆硯歌詩素所耽嗜亦不復爲白方俟我以老也數年間唯日看舊史一編以代賓話爾無何先徹樂之前一日因寢覺記夢中所得詩一章召其孫景

范文正公文集

卷八

十四

宋集珍
本叢刊

初錄焉他日士大夫求觀之仰其風旨識者謂人之將終神鮮不睽公於此時乃有正夢特歌周孔之仁義能久澤於吾民以公生平之心蹈於斯誠於斯故精義存存著於神明而不亂矣今而後知傳說騎箕尾而爲星者至精之適亦何怪哉其詩曰

百年奇特幾張紙千古英雄一窖塵惟有炳然周孔教至今仁義浸生民

刻唐祖先生墓誌於賀監祠堂序

某自丹陽移領會稽首途之日過邵餽逸人溪齋因話照湖事逸人曰客有自江夏寄唐人許鼎所撰祖先生墓誌頗言賀監之異出而示予辭精理遠徐常侍鉉爲之別序既抵郡訪天長觀即賀公之舊居也歎其真堂卑陋已甚乃命工度材而新之又刻徐公所序之文以廣遊人之觀采焉時寶元年知越州范某序

述夢詩序

景祐戊寅歲某自鄱陽移領丹徒郡暇日遊甘

范文正公文集

卷八

十五

宋集珍本叢刊

露寺謁唐相李衛公真堂其制隘陋乃遷于南樓刻公本傳于其側又得集賢錢綺翁書云我從父漢東公嘗求衛公之文于四方得集外詩

賦雜著共成一編自云一品拾遺

衛公有一品集姑臧集西

南備邊錄獻替錄御臣要略伐叛志窮愁志

其間有浙西述夢詩四

十韻時元微之在浙東劉夢得在歷陽並屬和焉愛其雄富藏之褚中二十年矣願刻石以期不泯某觀三君子之詩嗟其才大名高俱見咎於當世李遇武宗獨立不懼經制四方有真相

之功雖茲黨營陷而義不朽矣元初以才進拜拾遺歷御史府無所畏避爲執政所困者久之及天子召用書詔雅遠甚有補益之風至於與晉公相失而茲人乘之謂元欲刺裴劾則無狀然一戾正人其光墜地惜哉劉與柳宗元呂溫數人坐王叔文黨貶廢不用覽數君子之述而理意精密涉道非淺如叔文狂甚義必不交叔文以藝進東宮人望素輕然傳稱知書好論理道爲太子所信順宗即位遂見用引禹錫等決

范文正公文集

卷八

十六

宋集珍本叢刊

事禁中及議罷中人兵權悟俱文珍輩又絕章阜私請欲斬劉闢其意非忠乎阜銜之會順宗病篤阜揣太子意請監國而誅叔文憲宗納阜之謀而行內禪故當朝左右謂之黨人者豈復見雪唐書蕪駁因其成敗而書之無所裁正孟子曰盡信書不如無書吾聞夫子褒貶不以一疵而廢人之業也因刻三君子之詩而傷焉至於柳呂文章皆非常之士亦不幸之甚也韓退之欲作唐之一經誅茲諛於既死發潛德之幽

光豈有意於諸君子乎故書之

尹師魯河南集序

予觀堯典舜歌而下文章之作醇醪迭變代無窮乎惟抑末揚本去鄭復雅左右聖人之道者難之近則唐正元元和之間韓退之主盟于文而古道最盛懿僖以降寢及五代其體薄弱皇朝柳仲塗起而麾之髦俊率從焉仲塗門人能師經探道有文於天下者多矣洎楊大年以應用之才獨步當世學者刻辭鏤意以希髣髴未

范文正公文集

卷八

十七

宋集珍
本叢刊

暇及古也其間甚者專事藻飾破碎大雅反謂古道不適用於廢而弗學者久之洛陽尹師魯少有高識不逐時輩從穆伯長游力爲古文而師魯深於春秋故其文謹嚴辭約而理精章奏疏議犬見風采士林方聳慕焉遽得歐陽永叔從而大振之由是天下之文二變而古其深有功於道歟師魯天聖二年登進士第後中拔萃科從事于西都時洛守王文正沂公暨王文康公並加禮遇遂引薦於朝寘之文館尋以論事

切直貶監郢州市征後起爲陝西經略判官屢更邊任遷起居舍人直龍圖閣知潞州以前守平涼日貸公食錢于將佐議者不以情復貶漢東節度副使歲餘監均州市征予方守南陽郡一旦師魯昇疾而來相見累日無一言及後事家人問之不荅予即告之曰師魯之行將與韓公稚圭歐陽永叔述之以貽後代君家雖貧共當損俸以資之君其端心靖神無或後憂師魯舉手曰公言盡矣我不復云翌日往視之不獲

范文正公文集

卷八

十八

宋集珍
本叢刊

記

桐廬郡嚴先生祠堂記

先生漢光武之故人也相尚以道及帝握赤符
乘六龍得聖人之時臣妾億兆天下孰加焉唯
先生以節高之既而動星象歸江湖得聖人之
清泥塗軒冕天下孰加焉唯光武以禮下之在
蠱之上九衆方有爲而獨不事王侯高尚其事
先生以之在屯之初九陽德方亨而能以貴下
賤犬得民也光武以之蓋先生之心出乎日月
之上光武之器包乎天地之外微先生不能成
光武之大微光武豈能遂先生之高哉而使貪
高水長、

南京書院題名記

皇宋闢天下建太平功揭日月澤注河漢金革
塵積絃誦風布乃有睢陽先生贈禮部侍郎戚
公同文以貴于丘園教育爲樂門弟子由文行
而進者自故兵部侍郎許公驤而下凡若干人

范文正公文集

卷八

十九

宋集珍
本叢刊

先生之嗣故都官郎中維樞密直學士綸並純
文浩學世濟其美清德素行貴而能貧祥符中
鄉人曹氏請以金三百萬建學于先生之廬學
士之子殿中丞舜賓時在私庭俾幹其裕故太
原奉常博士瀆時舉賢良始掌其教故清河職
方貢外郎吉甫時以管記以領其綱學士畫一
而上真宗皇帝爲之嘉嘆面可其奏今端明殿
學士盛公侍郎度支其記前叅預政事陳公侍
郎堯佐題其榜由是風乎四方士也如狂望兮
梁園歸歟魯堂章甫如星縫掖如雲講議乎經
詠思乎文經以明道若太陽之御六合焉文以
通理若四時之妙萬物焉誠以日至義以日精
聚學爲海則九河我吞百谷我尊粹詞爲鋒則
浮雲我決良玉我切然則文學之器天成不一
或醇醇而古或郁郁於時或峻于層雲或深于
重淵至於通易之神明得詩之風化洞春秋褒
貶之法達禮樂制作之情善言二帝三王之書
博涉九流百家之說者蓋互有人焉若夫廊廟

范文正公文集

卷八

二十

宋集珍
本叢刊

其器有憂天下之心進可爲卿大夫者天人其學能樂古人之道退可爲鄉先生者亦不無矣觀夫二十年間相繼登科而魁甲英雄儀羽臺閣蓋翩翩焉未見其止宜觀名列以勸方來登斯綴者不負國家之樂育不孤師門之禮教不忘朋簪之善導孜孜仁義惟日不足庶幾乎刊金石而無媿也抑又使天下庠序規此而興濟濟羣髦咸底于道則皇家三五之風步武可到椒門之光亦無窮已他日門人中絕德至行高尚不仕如睢陽先生者當又附此焉

范文正公文集

卷八

二十一

宋集珍
本叢刊

清白堂記

會稽府署據卧龍山之南足北上有蓬萊閣閣之西有涼堂堂之西有巖焉巖之下有地方數丈密蔓深叢莽然就荒一日命役徒芟而闢之中獲廢井即呼工出其泥滓觀其好惡白嘉泉也擇高年吏問廢之由曰不知也乃局而澄之三日而後汲視其泉清而白色味之甚甘淵然大餘綆不可竭當大暑時飲之若餌白雪咀輕

冰凜如也當嚴冬時若遇愛日得陽春溫如也其或雨作雲蒸醇醇而渾蓋山澤通氣應於名源矣又引嘉賓以建溪日鑄卧龍雲門之茗試之則甘液華滋說人襟靈觀夫大易之象初則井道未通泥而不食弗治也終則井道大成收而勿幕有功也其斯之謂乎又曰井德之地蓋言所守不遷矣井以辨義蓋言所施不私矣聖人畫井之象以明君子之道焉予愛其清白而有德義爲官師之規因畧其堂曰清白堂又構亭于其側曰清白亭庶幾居斯堂登斯亭而無忝其名哉寶元二年月日記

范文正公文集

卷八

二十二

宋集珍
本叢刊

岳陽樓記

慶曆四年春滕子京謫守巴陵郡越明年政通人和百廢具興乃重修岳陽樓增其舊制刻唐賢今人詩賦于其上屬予作文以記之予觀夫巴陵勝狀在洞庭一湖銜遠山吞長江浩浩湯湯橫無際涯朝暉夕陰氣象萬千此則岳陽樓之大觀也前人之述備矣然則北通巫峽南極

瀟湘遷客騷人多會于此覽物之情得無異乎
若夫霪雨霏霏連月不開陰風怒號濁浪排空
日星隱耀山岳潛形商旅不行檣傾楫摧薄暮
冥冥虎嘯猿啼登斯樓也則有去國懷鄉憂讒
畏譏滿目蕭然感極而悲者矣至若春和景明
波瀾不驚上下天光一碧萬頃沙鷗翔集錦鱗
游泳岸芷汀蘭郁郁青青而或長煙一空皓月
千里浮光躍金靜影沈璧漁歌互答此樂何極
登斯樓也則有心曠神怡寵辱偕忘把酒臨風

范文正公文集

卷八

二十三

宋集珍
本叢刊

其喜洋洋者矣嗟夫予嘗求古仁人之心或異
二者之爲何哉不以物喜不以己悲居廟堂之
高則憂其民處江湖之遠則憂其君是進亦憂
退亦憂然則何時而樂耶其必曰先天下之憂
而憂後天下之樂而樂乎噫微斯人吾誰與歸
時六年九月十五日

邠州建學記

國家之患莫大於乏人人曷嘗而乏哉天地靈
粹賦于萬物非昔醇而今漓吾觀物有秀於類

者曾不減於古豈人之秀而賢者獨下於古歟
誠教有所未格器有所未就而然耶庠序可不
興乎庠序者俊乂所由出焉三王有天下各數
百年並用此道以長養人材材不乏而天下治
天下治而王室安斯明著之效矣慶曆甲申歲
予叅貳國政親奉聖謨詔天下建郡縣之學俾
歲貢羣士一由此出明年春予得請爲幽城守
畧事之三日謁夫子廟通守太常王博士稷告
予曰奉詔建學其材出於諸生備矣今夫子廟

范文正公文集

卷八

二十四

宋集珍
本叢刊

隘甚羣士無所安因議改卜于府之東南隅地
爲高明遂以建學并其廟遷焉以兵馬監押劉
保節度推官楊承用共掌役事博士朝夕視之
明年夏厥功告畢增其廟度重師禮也廣其學
宮優生負也談經于堂藏書于庫長廊四回室
從而周摠一百四十楹廣廈高軒處之顯明士
人洋洋其來如歸且曰吾黨居后稷公劉之區
被二帝三王之風其吾君之大賜吾道之盛節
歟敢不拳拳服膺以樹其德業哉予旣改南陽

郡博士移書請爲之記予嘗觀易之大象在小畜曰君子以懿文德謂其道未通則畜乎文德俟時而行也在兌曰君子以朋友講習謂相說之道必利乎正莫大於講習也諸生其能知吾君建學聖人大易之旨則庶幾乎故書之

天竺山日觀大師塔記

師錢塘人也姓仲氏名善昇十歲出家十五通誦法華經十七落髮受具戒客京師三十年與儒者游好爲唐律詩且有佛學天禧中詔下僧

范文正公文集

卷八

二十五

宋集珍
本叢刊

錄簡長等注釋御製法音集師預選中書畢詔賜師名遂還故里公卿有詩送行師深於琴余嘗聽之愛其神端氣平安坐如石指不纖失徽不少差遲速重輕一一而當故其音清而弗哀和而弗淫自不知其所以然精之至也予嘗聞故諭德崔公之琴雅遠清靜當代無比如師則近之矣康定中入天竺山居日觀庵曰吾其止乎不下山者十餘年誦蓮經一萬過皇祐元年余至錢塘就山中見之康彊精明話言如舊一

日遣侍者持書謝余曰吾願足矣將去人世必藏于浮圖之下願公記焉又一日侍者來告曰師化矣其門人中靄等葬師于塔復以師之言求爲之銘銘曰

山月亭亭兮師之心山泉泠泠兮師之琴真性存兮孰爲古今聊志之兮天竺之岑

范文正公文集卷第八

范文正公文集

卷八

二十六

宋集珍
本叢刊

范文正公文集卷第九

書

奏上時務書

上張右丞書

上執政書

書

奏上時務書

天聖三年四月二十日文林郎守大理寺丞臣
范某謹詣閣門再拜死罪上書皇太后陛下皇

范文正公文集

卷九

一

宋集珍
本叢刊

帝陛下臣聞巧言者無犯而易進直言者有犯
而難立然則直言之士千古謂之忠巧言之人
千古謂之佞今臣勉思藥石切犯雷霆不遵易
進之途而居難立之地者欲傾臣節以報國恩
恥佞人之名慕忠臣之節感激而發萬死無恨
況臣之所言皆聖朝當行之事而未之行者諒
有以也聖人之心豈不至此蓋當乎一日萬機
未暇餘論大臣之心豈不至此蓋懼乎上疑下
謗未克果行臣請言之以發聖慮臣聞國之文



范文正公文集

卷九

二

宋集珍
本叢刊

章應於風化風化厚薄見乎文章是故觀虞夏
之書足以明帝王之道覽南朝之文足以知衰
靡之化故聖人之理天下也文弊則救之以質
質弊則救之以文質弊而不救則晦而不彰文
弊而不救則華而將落前代之季不能自救以
至于大亂乃有來者起而救之故文章之薄則
爲君子之憂風化其壞則爲來者之資惟聖帝
明王文質相救在乎已不在乎人易曰窮則變
變則通通則久亦此之謂也伏望聖慈與大臣
議文章之道師虞夏之風況我聖朝千載而會
惜乎不追三代之高而尚六朝之細然文章之
列何代無人蓋時之所尚何能獨變夫君有命孰
不風從可敦諭詞臣興復古道更延博雅之士
布於臺閣以救斯文之薄而厚其風化也天下
幸甚臣又聞聖人之有天下也文經之武緯之
此二道者天下之大柄也昔諸侯暴武之時孔
子曰俎豆之事則嘗聞之此聖人救之文也及
郊谷之會孔子則曰有文事者必有武備請設